

# Qafár Madqooqi

<u>Cuttuksó</u>	<u>Gali</u>
1. Aakama .....	1
2. Culmeena .....	4
3. Kinnaanee kee Weeloola .....	5
4. Digaala .....	10
5. Ascossa .....	23
❖ Qafar Madqooqih Gaaboysoh edde xoqoysimne esseroorah soddomu .....	27

# **A a k a m a**

A kutbek aakamal, fiiruk loonuh yanin ixxigaa kee abak–raagak gexak, Qafar madqooqih gaaboysoh, Qafár tu-taaxagok solte komiteh adoytiitih migooqa daffeysenno. Ciggiilak kaadu, koonaa madqak kulli tiyah ixxigah dareeman sidiica sidiica kasloytay, woo komite xaagu kak abteh migooqa daffeysenno. Ellecabol, taama elle tekkennak uxxi ascossa abenno.

## **1. Komitê Migooqa**

- 1.1. Gifta Idriis Macammad – Qadli biiroh saqala -----Gaaboysé
- 1.2. “ Jamaal Qabdulkaadir –Qafarafih biiroh saqala-----adoyta
- 1.3. “ Qali Cuseen Weeqisa-Barittô biirok c/saqala----- ”
- 1.4. “ Macammad Acmad Algane –Qafaraf kee qaadâ mixigi----- ”
- 1.5. “ Macammad Muusa (Wareeru) –Qadaa kee madqâ  
tu-yaaxigi----- ”
- 1.6. “ Muusa Yaasiin Bullo – Madqâ tu-yaaxagi----- ”
- 1.7. “ Solomoon Periino “ “ ----- Kutbeabé

## **2. Madqooqî xaagu kak aben kaslé**

### **2.1. Burqili Madqah**

- 2.1.1. Gifta Yaasiin Macammad Acaw
- 2.1.2. “ Qiise Qabdulkaadir Cammadu
- 2.1.3. “ Qali Acaw Qali

### **2.2. Buxxutô Baxih Madqah**

- 2.2.1. Gifta Canfaxe Qasawkaytu
- 2.2.2. “ Macammad Qabdu
- 2.2.3. “ Qali Yuusuf Acaw

### 2.3. Afkiquek /Maqaadih Madqah

2.3.1. Gifta Aboobakar Walle

2.3.2. " Qumar Caté

2.3.3. " Cabiib Farag

### 2.4. Bodaytâ Meelah Madqah

2.4.1. Gifta Malo Seeko

2.4.2. " Sulte Celem M/d Bodayya

2.4.3. Haj Qumar Macammad Bodayya

### 2.5. Debnek /Weeqimih Madqa

#### 2.5.1. Q.A.R<sup>ak</sup> 3<sup>haytô</sup> Rasu

2.5.1.1. Gifta Qumar Buxah abba

2.5.1.2. " Desta Sheceem

2.5.1.3. " Qasnum Walle

#### 2.5.2. Jabuutih Ummuuno

2.5.2.1. Gifta Qali Acmad Meeko – Tagorri

2.5.2.2. " Macammad Adam Lagaq – Cayyu

2.5.2.3. " Muusa Qali Mayda – Goobaqada

### 3. Madqooqi Gaaboysoh Taamoomi Elle Akkuk Sugtenna

3.1. A madqooqih gaaboyoh taamoomik amo elle xambaqimak sugtem Q.A.R.D<sup>ak</sup> Qadli Biiro

3.2. Taamoomi akkuk sugtem Naharsi kudok/yekkaatitik/ 1 -----  
Qado-dirrik /sanek/ 30/2000 fan kulli Sabtii kee Acada

3.3. Madqâ tu-taaxagok 30 ximmok xissiiima esserental aban xaagi elle akkuk sugem woo kaslé elle tan arooca. Waqdiik waqdi kaadu Samarâ magaala fan ken baahak sugen.

# Qafar Madqooqi

## Culmeená

Qafár Shaqbi inki qaada leeh, inki af leeh, inki diini le ummatta kinni wakaay takkay, addal mango kedoodak xissiiima. Qafar ummatta aydaadul, irok takku, cuggaaneenak takku; ken kee ken baaxoh abbaxah dadhte caylitte gacisak raagte ummatta. Woh rakaakay kee baad aydaadi inkih kah sumaaqita numma.

Tanay, takkay ikkal, dago waktitte, ku-amol-ayyô caylittey, inkih tan Afrika cayla kah wayte, amol teetik gacteh. Woh Tilyaan kee Faransaawi. Woo namma frangi yibbixe ardik kalihim, Qafar baaxok 20<sup>hayto</sup> boolih karmah qimbol ltyoppiyah doolatih loowo teelle.

Tonna kinni wakaay takkay, Qafar ummatta, woo sidooqa doolatak faxê ket raqtâmay, isi addal, isih is edde xiinissa madqooqi luk sugte. Too madqooqi Konooy takke.

## **Wohim:-**

- A. Burqili madqâ-----Q.A.R<sup>ak</sup>. kilbatti rasuuy, Fanti rasuu kee Eretriya
- B. Buxxutô Baxih madqâ-----Q.A.R<sup>ak</sup>. 1<sup>haytô</sup> rasuu kee 4<sup>haytô</sup> rasu
- C. Afkiqek/ Maqaadih madqâ-----Q.A.R<sup>ak</sup>. 1<sup>haytô</sup> rasu
- D. Bodaytâ meelah madqâ-----Q.A.R<sup>ak</sup>. 5<sup>haytô</sup> rasu
- E. Debnek/Weeqimih madqâ-----Q.A.R<sup>ak</sup>. 3<sup>haytô</sup> rasuu kee Jabuuti

Ta madqooqiy, Qafar ummatta, num geeri numul baaham kee, usuk yeddereemil baaham inkih edde xiinisak sugte, rasuluuy migaq taallay immay, tiya tiyak edde baxsimtam, woo gide ma takka.

Ta madqooqih konooyuk, Burqili madqâ kalihim taham fan kutbeh gacteh sugtem malî may, kulli madqâ elle taamitta rasul tan kaslé, inkih aliilih tet taaxigé.

A madqooqi madqimtem kee akke boolittel loowimta karmoomi nanî may, away abeenim kah celtam abbak baxal raaqak temeetek sarra.

Tanay takkay ikkal, kutbeh daffee wayteemiy, ínki amoh kasaanak, wakaay tu bayak tamaatem raq ma taalla.

## 1. Madmá

A gaaboysoy, Qafar madqooqit abaanak naharsi madmá, tonni akah akke waanni yakke gide. Toh yaanam, Qafar madqooqi kutbeh daffeyyinteh, horaak horah akah elle sugtannah abaanama.

A gaaboysok nammayhaytô madmá, foccâ fan tamaatu wayta horaari, Qafar qaadaa kee xintok kusaq kee fokkaq elle abta rakiibo takke gide.

A madqooqih gaaboysak sidochaytô madmá, uson doolat madqooqi luk elle yangaleeniih, baxsimaanam, ayxuxuuruk, ken kee ken taamissa kaslé, doolat garil amaxxaage kah geytannah abaanama.

## 2. Cogdá

Qafar Rakaakayih Doolatak, Qadli Biiró, qadli siirah aysiisiyyih gitaak cogaysó massoysak, woo cogaysó elle abnisimta abenti-ascossa aracat akah haak, Qafar madqooqih gaaboysó elle takku wayta, a ciggilta koonna rakiibo akah daffesse.

### **Wohim:-**

- 2.1. Ahak naharal tunkuttubeh tanim tenek, toh gabat haanama
- 2.2. Madqooqit taamitteh, nagay taaxige kaslé kulli rasuk kah seecaanah, esseraanama
- 2.3. Woo kaslek madqooqi wagsiisak faxan xaagu elle geyan esseritte aracat haanama.
- 2.4. Madqooqi wagsiisak geytimeh yan xaagu nummaysioonuh rasittê fan gexak, geeri kasle xaagoysaanama
- 2.5. Ellecabol, madqooqik gaabowteeh, gaba xagtem, sittâ fan gacisak kutbeh haanama.

## Qafár Madqooqih kinmaane kee tet weeloola

A amô-tabih gubal edde yabnam, Qafar madqooqik kinnaanee kee weeloola.

Toh yaanam, a madqooqik kulli tiya elle muden aracaay, mude maraay, edde muden waktii kee, Qafar baaxok teetih xinta rasittet addâ fakoot luk yaabenno yaanama. Tohuk naharataay koonaa madqá inkih tasgalle weeloolaa kee ceelayitte daffeysenoo.

Wohim:-

Fii ruuk Qafar madqooqih digaalá rakiiboh elle soltam **waaseenimiy edde asaanam faxxiime waytaa kee, abâ yeenimiy abe waanah iyya** .Toh Ingliizafat «Commission and Omission» deqsitta gexsititte.

**Naharsi weeloy** Qafar madqooqi elle tamixxige, baatileyna, abbixekal, axeekal, digaalto duddaamih duddo.

**Namayheele weeloy** uson elle yamixxigeeni abitto (commission) gorcii kee garci baxisak digaaltaama.

**Sidocheele weeloy**, Qafar madqooqi elle tamixxige, galelway (umaane abaluk cate wayti) digaaltaama

**Fereyheele weeloy** tet elle yaaxigeeni yekke baatilih, abte gaba dibuk hinnay, inkih tan kedo essertimtaamih tiya

**Konooyheele weeloy** uson elle yamixxigeeni, mabloh daffeyte caxá, urruu kee agabu akke waytek numuk gabah assagolli waaso aalle waytaama aymisen ken tekkek faxeemî may.

**Leceeyheele weeloy** Qafar madqooqi elle tamixxige, meklah madqan saqa, ufuylii kee ufuy malih nammâ kel baxissaamih tiya. Ufuy mali lakqoh korâ kal, ufuyli lakqoh ma kora.

Ahak dagal edde yabnem, Qafar madqooqih konooy yangale weeloolaa kee ceelayitte kinni waqdi, ahak wadiil kaadu, kulli madqá ragidik elle tanî nat yaabenno.

Kulli madqak affaram daffeyselino. Wohim:-

1. Madqá elle muddumte araca
2. Madqá mudde gaba
3. Madqá mudeenim kee akke akah nanih gide
4. Madqá elle taamitta rasitte

## **1. Burqilí madqá**

➤ A madqá elle mudeenim Qiddî magaalak **Madqah Alayto** deqsita araca

➤ A madqá muddem affara kedo. Wohim:-

1. Dammohoytá
2. Seeká
3. Daahimmeelá
4. Hadarmó

Saqál afá a madqá migaaqal akak muggaqsimte, Dammohoytak Burqili deqsitta kedo tekke. Burqili, too kedo akak radde numuy, taway abbah yan Caysami Qabdu, 13<sup>heele</sup> baxah kak yanih iyya.

➤ A madqá edde muddumtem hora horah lowwu heenik

350 liggidah gaba baaha wakti.

➤ A madqah xintam away tan xintootah rekissoosak Qafar

Agattiinoh Rakaakayak 2<sup>haytoo</sup> kee 4<sup>haytô</sup> rasu. Wohuk

kalah Eretriyat raqta Qafár baaxo,

## **2. Buxxutô Baxih Madqá**

- A madqá elle mudeenim Mogorros kee Daabuk fanah raqta baaxok **Rakúb Caxá** deqsita araca
- A madqá, rasi makaaban edde qakkaloysak muddem Buxxutô baxa Casana
- A madqá muddemtem kee takke 5/6 horah nanno. Tohih sabbatah 150-175 karmah qumri le
- A madqá xintam Moodaytô 8 kaqaadak affara buxá. Toh: Qarabtak /Qasabbakarii kee Nessaarak/ Qagginni. Too namma kedo elle taloolem Q.A.R<sup>ak</sup> 1<sup>haytuu</sup> kee 4<sup>haytô</sup> rasu.

### **3. Afkiqek-Maqaadih Madqá**

- A madqá elle mudduntem Awsi daqaarak **Walaqsan** deqsita araca.
- A madqá muddem Illati abba Aydaacís Canfaxek tene yaanamal mango ascossi yan. Data kaxxaafook raqte iyya mari kaadu yanih
- A madqá muddumtem kee akke 150 karmah gaba baaha wakti nanno
- A madqah xintam Afkiqek – Maqaaday Aydaacissô qarkaytoh xiinak sugte. A madqah abnisso gabat lem Aydaacissô qarkayto

### **4. Bodoytâ Meelah Madqá**

- A madqá elle muddumtem Qaddaqaarak **Tewqó** deqsita araca. Qaddaqaar away Q.A.R akak xissiiima 32 daqaarak tiyak teyna. Cuggaaneh edde yanim Millé daqaara.
- A madqá muddem Qali Dawwaani Macammada. Usuk Bodoytâ meelak Cayis deqsitta exxah abbah suge. Usuk yenem kee akke affarah/koona horah nanno
- A madqá muddumte kee akke 150 karmah gaba baaha wakti nanno.



- A madqá elle taamittam Q.A.R<sup>ak</sup> 5<sup>haytô</sup> rasuy carri rasul yaaxigeeni

## 5. Debnek-Weeqimih Madqá

1. A madqá edde mud dumte waktik mariiy tû ya. Qalii Qablis kee Caxalmaacís wakti iyya mari yanih. Qali Garqí Macammadih wakti iyya mari yanih. Too namma waktik fanâ ya mari kaadu yanih.
2. A madqá muddem Qali Qablisi iyya mari yanih Caxalmaacisi iyya mari yanih. Qali Garqí Macammada iyyi mari yanih. Kinni waqdi akak hununuh amixxige waâ kal, Qafar madqooqik karmâ saqál afá is lem celta.
3. A madqá elle mudeenim Weeqimi daqaarak **Qadaylu** deqsita araca.
4. A madqah xintam Q.A.R<sup>ak</sup> Gabbi rasuu kee Gabuutih Ummuunok Cayyuuy, Tagorrii kee Goobaqád xintoota.

## D i g a a l á

Ahak naharal mango waqdi; galab kak xagne koona madqay, Qafar ummatta akah xinta; digaalah tascasseeh, madqá elle lem canee kee meklá. Cané kak yaanam, num isik abeenim, sinaamak abaah, isil baaheenim sinaamal baahaama. Inki qangarat ixica yeenik cané kak yaanam umaanê gabbaaqu.

**Ceelallo:** Num tobokoyta isik qidde kedok num qidek, toh cané deqsitta.

Qafár madqooqil, num qideenik biilu yakke. Biili,niqnal elle canel anfiddigek, xabbacooweh meklal anfiddigge yakke. Xabbacoowa way, canel yanfiddige waqdi kaak mangoh. Raage biiluh, uduurrutah rabaana yaanam, maxcoh tan.

Qafár madqooqi canê gacsa maytikumussâ may, baatilih ma tabla. Toh yaanam, aba inteh ma gutuqtâ may, cané tuduure tet tekkek, ceele-waynaanuu kak mitta.

Meklah tu gactekiiy, meklá kak yaanam yekke baatilit baytem yagdiyeenimi. Kak rabe buxá oggoltek, numtín rooci kinni way mekkelsimaah, yagdiyeenih. Meklá, Qafar madqooqil, sahdayti, sahdaytul baaheemih namma migaq le. Rooci meklá diyat deqsittaah, xagar meklá xikcá deqsitta.

Meklá, too nammam dibuk hinnay, gabaa kee iba baahinnaanim; sammoo kee arraba baahinnaanim inkih wagitta. Gabá bahtaamak mekkelsimtam; agraa, radooy, qarqaa kee cararisiyya. Ibi baahaamak mekkelsimtam amô soolisiyya. Sammô xarrabisiyyaa kee, arrabâ xaafu kaadu, madqal inkih mekkelsimtah .

Qafár madqooqih konooyuy edde yabnek, Burqili madqâ a kee debnek weeqomih madaqak Gaabaqad exxâ kalihim digaalâ meklá elle tacussulem laa. Burqili madqá elle tacussulem bakló. Tanay takkay ikkal, sagá takku; bakló takku, gaalah kortaah, qado lakqoh kortah.

Koram korsi waqdi, inkí saga, 10 baklok gexxa. Inki alá 40 baklok gexxa. Inki alá kaadu 4 sagak gexxa.

Qafar, madqooqih rikeliy migaq abtem faxeemî kal, woo madqooqî fanat kaxxa baxsah tanim mali. Fiiruuk, sahdayti xagarak baatil baahek/wee takkem, affara exxa yaanamal, inkih sitta geyan.

Woh:-

1. gabá
2. Iba
3. Sammó
4. Arrabá.

Woo fereeyik gabá bahta baatil koonam kinniimil inkih sitta geyan.

Wohim:-

1. Qidiyya
2. Aaguriyya
3. Radiyya
4. Garqiyya
5. Carrisiyya.

Tû tatur kooná madqal inkih doroqul (maruusol) mekkelsima. Kaat battaroysimteh aninnaanim, mekelak gacisaanamal, inkih sitta geyan. Wohuk inkih nabaamay kooná madqá sitta elle geyta, tet abnisso . Woo konooyuk faxe madqá abnisimtam, waytó caxal, mabloh agaaradimtek laka. Woo mabloh gexsay kaadu kooná madqak inkih inkinnal yan.

Wohim:-

**Fiiruk** waytó xayyowta

**Ciggiilak** xayyowte waytoh caxá muggaqsimta

**Sidochaak** woo caxah ayroo kee arac muggaqsima

**Fereeyhaak** maró daffeyta waqdi, leek qayso, waytó le numuk /marak xayyoysâ yan

**Konooyhaak**, caxal, yab fiiruk waytó le exxah yaceen.

**Leceeyhaak**, af haysitaah, af kalsitah axcuk, yab tu kak waan exxah yaceen

**Malciinhaak**, qagu namma exxah inkih yaceen

**Bacaarhaak**, iyveenim tah kinnii? Axcuk rade yab gabbaaqan

**Sagaalhaak**, rade yab agaaradak mekelan.

**Tabanhaak**, edde cabeenim faatacisan.

Toysá Qafár madqooqî fanal anek/wee yakke baxsi elle yanim mekkelsimtah gidee kee elle yagdiyen gurra tan teetî kal; baatil kinnaaneey, usuk kak raca exxaaxii kee, kay mabloh gexsayal yan baxsá hinna.

Too mekkelsimtaamih gide kee elle yagdiyen gurra takke way, koonâ madqâ fanat yanih, baxsi nabam dago. ceelalloh diyat (numtîn roocih) mekla waginne

1. Burqili Madqá 3000 baklo inta (Toh, alá 40 bakloh cisaabal gaalak 75 tamaate)
2. Buxxutô Baxih Madqá gaalak 100 itta
3. Afkiqek /Maqaadih Madqa " " "
4. Bodaytâ Meelah Madqa Laak 67 "
5. Debnek/Weeqimih Madqa " 100 "

Saqa sittat milaagan waqdi, alá, 40 baklok gexxa. Sagá, 10 baklok gexxa. Alá, 4 sagak gexxa

Toysá, giffiya malcina migdal yakke baatilih, Burqili Madqak kutbeh daffeyteh tan meklaali, raaqe fereeyil dago dagoo sissinaane teellek faxaamî may, gersinnak kaxxa baxsa mali. Tohuk gexak, dagal galab kak xagne saqi milaagi elle yakke maknay, rakiibo abak yakke koram korsal a meklaali, digaalâ tiyantuh, laa le madqooqih inkih takkem timixxige.

### **1. Qafar madqooqih addatinok inki inki ximmooma**

➤ Esserik-gacsal uxxuk kah tecessimê nah Qafár madqooqi abnisaam pooli caylaa kee casbi hinnay, kedo kedak abta meysi. Kedo, kedok abta meysi yaanam, nanu xagnem, nee xageleeh, nanu qidne mari nee qidele yaanam. Qafar addal, num kee usuk yeddereemih caabi, kay kedo. kaa kee kayiimit geeri mari kah tatre waam, kay kedok aban meysi. Kaa xagnek, kayim xagnek , usuk kah yooboke kedo net ma cabta yaanama.

Qafar kedoodak xissimta ummatta kinnuk, num baaha baatil kee kaal baahan baatilih inkih, kay kedo qaaqimta. Tohiih sabbatah kedoyti baaheemih kay kedo esserimtaah, kaal baaheenim kay kedo kaah solta.

Qafar ayyuntih addal, num le nafsii kee yeddereemih amaan kak geyam net -ma-tatrinah kedo kedot abta assakoxxaa kee, nanu bahenm net-ma-cabaanah kedo, kedok abta meysi kinnim asmat le numma.

➤ Qafar madqooqi, umaanê niyat kee gabbat sumaaqal diggoowe kaa tekkek, baatilih orbissa. Meklá akak woo niyaateeniih, gabbateenimih gide takke.

➤ Qafár madqooqil mango mari, sittâ luk baahe baatilih inkih esserima. Mekla waqdih tu gactek, woo marak kulli num, woo umaanet kay gabah

maglab, akkinnaanah gide mekla. Umaané abe num kee, cate num yekkeenink meklá saqal kee, maqanxah keenil radda. Digaalâ meklak saqal afá abeenal raddaah, raqta dagaana cate numul radda.

- Qafár madqooqil umaaneh uguugus, abtok garabah mekkelsima. Qida axcek, ugura axcek, rada axce yekke numul, abe numul tamaate digaalâ meklak garab yamaate.
- Qafar madqooqil num isi nafsik aba kalaluh, kay gabat toomeemih baatil kaa morbâ may, wokket bayteh aninnaanimih esserimaah, diggalsimah.
- Qafár madqooqil, xaafuu kee qaybisiyyi inkih baatilih orbâ may, addal qangoorul baxaabaxsa maliy, inki meklá le. Ma raddii kee, qangarah amcartohim rikeek yableenim faxximta inta mablá tanih immay, xefelih, sidiicarrabak raddem sidiica laa yaanamal tu qilsa.

## **2. Qafar madqooqih mabloolak Biiluu kee Xickâ gexsayitte**

### ➤ **Biilu**

Qafar num Qafar numih gabat rabe kaa tekkek, num qidde kedo **MEGLÔ** may abta áwya le. Meglo kak yaanam, yekke qidimil waydal alfimâ fan, biilu bahte kedo malakmisah tan kedo eleelittaama.

Megló addah kak orobte kedo, num kak rabe kedô fan gexak, meglo ken cullem kee, woo buxá nerraay nefdiga axcuk temeetem, ken yaysixxigen.

Namayheele maaqattal, fanat gacte kedo, namma mara asgoorowuk, Waydal Alifî may mafdaga fanat hayta. Tokkel, gaba tu akak bahte kedo abeena edde xayyossa 40 barih xaganat haan. Tu edde tekke kedo woo 40 barih addat num xage waytaamih xaganat haan.

Sidoc-heele maaqattal, waydal alifik 41<sup>heele</sup> ayro, gabat tu kak toome kedo, abeena idoolal tabissa. Wohuk wadiril, idoola, namma buxah saqolti inkih elle tanî kel, qiddoonu/waddoonu abeeni amah kaana axcuk, num kak rabe kedo taybullee.

Fereeyheele maaqattal, idoola, gaba cule abeenihim, meklal akah takee nah, num kak rabe kedo kallactaah, geysissa. Tohim oggoltimte tet tekkek, rabe numih rooci Qafar madqal mekkelsima.

➤ **Xikcá**

Qafar madqooqil, roocî kalih meklá **xikca** deqsitta. Num numuk xagarak faxekkeey biyaakay, woo meklá xikcâ mekla deqsitta. Rooci meklaay **diyát** deqsitta.

Qafar yoome namma num fiiruk kalkaltaah, numuuy rikel hayta. Amqak naharat **kalkaalû** may maaqatta tan. Wohuk wadiril yoome namma numuk xagar elle raaqê na wagitan. Num nagay raaqeeh, num biyak luk raaqek, woo numuh Qabli kaqayô may meklaanam tan. Biyak bisoh gexak raaqek, daylim gabat tu kak toome buxá tabbixe.

Ellecabol,mabló takkeeh, xagaral amballayuk raqtem tenek Qafár madqal mekkelsimta.

Tu elle takke migdak/tattaba	Burqilí madqá
<b>1. Sahdaytu</b>	
<b>Rooci (Diyata)</b>	
lab num	3000 baklo
Say num	1500 "
Sooniba	3750 "
<b>1.2. Xagara (xicka)</b>	
Kattek:-	
1.2.1. Namma inti	750 baklo
1.2.2. Nammi iba	" "
1.2.3. Namma gaba	" "
1.2.4. Nammaytik maabba (ragidik)	" "
1.2.5. Muxii kee baxxe	" "
1.2.6. Arraba	" "
1.2.7. Sana	300 baklo
1.2.8. Dagâ sokto	250 "
1.2.9. Gubi sokto	300 "
1.2.10. Kamuusu	300 "
1.2.11. Gili	500 "
1.2.12. Feerá	200 "
1.2.13. Dagâ tasuuli	120 "
1.2.14. Gubi "	80 "
1.2.15. Tassuuli maqanxá	60 "
1.2.16. Caarí maaqiyo	50 "
1.2.17. Qaxa	40 "
1.2.18. Masangalê lafá (inkitto)	30 "
1.2.19. Xukcunto	140 "



Tu elle takke migdak/tattaba	Burqilí madqá
1.2.20. Dadaba 1.2.21. Angu - saynum - labnum 1.2.22. Qanxix (caxxa) 1.2.23. Qanxix (Gilé) 1.2.24. Dayli sabbatah fakeenik 1.2.25. Lafâ baxá akak tewqek 1.2.26. Koomam 1.2.27. Xagorti kalti (saynumuk) 1.2.28. Filla (gilet xaggiimek) 1.2.29. Sarba( " xaggimtek) 1.2.30. Deega( " xaggimtek) 1.2.31. Caray ( " xaggiimek ) 1.2.32. Iba /gaba 1.2.3.3. Maacisso Maacissot boyli orbek	120 " 500 baklo 300 " 30 " 40 " 50 " 60 " 10 " 20 " 40 " 40 " 50 " 40 " 1000 " 120 " 1200 "
<b>1.2.3 Agrá</b> 1.2.3.1. Silac maleh 1.2.3.1.1. Qasgaba <ul style="list-style-type: none"> <li>• Foocat</li> <li>- Kaatum teellek</li> <li>• Kummuuqussa</li> <li>- Uma arac</li> </ul>	60 baklo 70 " 10 "


Tu elle takke migdak/tattaba	Burqilí madqá
<ul style="list-style-type: none"> <li>- Sahlin arac</li> <li>• Giqi (Testa)</li> <li>• Ibi atka</li> <li>- Kabella luk</li> <li>- Kabella sinnim</li> <li>- Kabellak gasiyyo</li> </ul>	<p>5   "</p> <p>10   baklo</p> <p>60   "</p> <p>20   "</p> <p>10   "</p>
<p><b>1.2.3.2 Silac luk</b></p> <ul style="list-style-type: none"> <li>1.2.3.2.1. Iló</li> <li>1.2.3.2.2. Lusa</li> <li>1.2.3.2.3. Diga</li> <li>1.2.3.2.4. Baarô buureyta</li> <li>1.2.3.2.5. Xangeyta</li> <li>1.2.3.2.6. Gilé (siibó)</li> <li>1.2.3.2.7. Seefi (siibó)</li> <li>1.2.3.2.8. Macaxu (gasiyyo)</li> <li>1.2.3.2.9. Halangi</li> <li>1.2.3.2.10. Akata</li> <li>1.2.3.2.11. Girâ tiqó</li> </ul>	<p>10 baklo</p> <p>12   "</p> <p>8   "</p> <p>10   "</p> <p>6   "</p> <p>15   "</p> <p>20   "</p> <p>30   "</p> <p>15   "</p> <p>5   "</p> <p>500 "</p>
<p><b>1.2.4. Quxuusu</b></p> <ul style="list-style-type: none"> <li>1.2.4.1. Soola   num tekkek</li> <li>1.2.4.2. Daffeya   "   "</li> <li>1.2.4.3. Qaxah yan num tekkek</li> <li>1.2.4.4. Saynum tekkek</li> </ul>	<p>10   baklo</p> <p>15   "</p> <p>20   "</p> <p>30   "</p>

Tu elle takke migdak/tattaba	Burqilí madqá
<b>1.2.5 Aroowu/aro</b> 1.2.5.1. Qabaltek 1.2.5.2. Qable waytek	10 baklo 6 "
<b>1.2.6. Lifiqi</b> 1.2.6.1. Qabaltek 1.2.6.2. Qable waytek 1.2.7. Qawulu 1.2.8. Leê kumma	5 baklo 1 " 40 " 120 "

Tu elle takke migdak/tattaba	Burqili madqá
<b>2. Xarbá</b>	
2.1. Gennaaqoytá caylisaanam	40 baklo
2.2. Gennaaqoytat le fayxiik yangooroweenim	6 “
2.3. Gennaaqoytak fidô fayxih, gabah yabbixeenim	10 “
2.4. Gennaaqoytá fidô fayxih yaabisaanam	10 “
2.5. Gennaaqoytal fidô fayxih qari culaanam	10 “
2.6. Dudde Baxuwwa Caylisaanam	75 “
2.7. Gufe wayte awká “	250 “
2.8. Lab num “	750 “

Tu elle takke migdak/tattaba	Burqili madqá
<b>3. Saqá</b> Faxaanamah qidek /garqe yekkeenik 3.1. Alá garqimtek 3.2. Sagá “ 3.3. Idá “ 3.4. Reytá “ 3.5. Mangassi garqimek 3.6. Farasa garqimek 3.7. Okló garqimtek 3.8. Bakli “ 3.9. Dorrahi “ 3.10. Kayyu “	97 bakló 33 “ 3 “ 3 “ 43 bakló 33 “ 130 “ 130 “ 1 “ 100 “
<ul style="list-style-type: none"> <li>• <b>Qadab le qideenik:</b> <ul style="list-style-type: none"> <li>Rakuubu</li> <li>Kayyu</li> <li>Caras</li> <li>Sagá</li> <li>Farasa</li> <li>Bakli</li> <li>Danana</li> </ul> </li> </ul>	170 baklo 180 “ 100 “ 73 “ 180 “ 180 “ 50 “

Tu elle takke migdak/tattaba	Burqili madqá
<p><b>Le numih ixigak iroh gaalí lacih</b></p> <p>Deberi  Eleri  Qayni  Bedu → Gira            ↘ Gile</p> <p>Xigló  Xaru/Buuro  Guyaaca/naasu  Agra  Kirá</p> <ul style="list-style-type: none"> <li>• Faxe bahiimat num qidek /umannah biyaaake tekkek tu edde tekke buxah tet yaceen <ul style="list-style-type: none"> <li>- Rakub num qidek kaa yaceen</li> <li>- Agur num qidek kaa yaceen</li> <li>- Lac lac qidaamah yaceenim matana</li> </ul> </li> </ul>	<p>10 baklo  10 “  10 “  40 “  30 “</p> <p>1 “  10 “  10 “  10 “  11 “</p>
<p><b>4. Geeri Duyyé</b></p> <p>4.1. Radek/ garqe yekken duyveh  Innah tanim adaaruk:</p> <p>4.1.1. Sará                   sagá kee fiddima  4.1.2. Siyaakata           “                   “  4.1.3. Lakqó                 “                   “  4.1.4. Silaaca               “                   “  4.1.5. Maaqo                “                   “  4.1.6. Silac kaafir innal katek</p>	<p>4 baklo  “ “  “ “  “ “  “ “  120 baklo</p>

Tu elle takke migdak/tattaba	Burqili madqá
<p>4.2. Argiqek /cararise yakken duyye</p> <p>4.2.1. Kusrá</p> <p>4.2.2. Tamirto</p> <p>4.2.3. Garraytó</p> <p>4.2.4. Iraawô Caxá</p> <p>4.2.5. Dabqi</p> <p>4.3. Aggilek /qanxise yakken duyye</p> <p>4.3.1. Caxxa</p> <p>4.3.2. Intimali markassa</p> <p>4.3.3. Iba-mali mandaada</p> <p>4.3.4. Afliita </p> <p>4.3.5. Kabella</p> <p>4.3.6. Dora</p> <p>4.3.7. Targá</p> <p>4.3.8. Ugucu</p> <p>4.3.9. Malabxaa</p> <p>4.3.10. Dessó</p> <p>4.3.11. Faage arke kalaanam</p>	<p>40 baklo</p> <p>“ “</p> <p>“ “</p> <p>30 “</p> <p>120 “</p> <p>1 “</p> <p>10 “</p> <p>10 “</p> <p>10 “</p> <p>20 “</p> <p>10 baklo</p> <p>10 “</p> <p>30 “</p> <p>10 “</p> <p>10 “</p> <p>10 “</p>
<p><b>5.Xaafu</b></p> <p>- Xaafuk faxe qangara inki gideh Loowimta</p> <p>- Maraddi/ qangarah amcarto tekkek rikeek tan intit tambulle</p>	<p>30 baklo</p> <p>—</p>

Tu elle takke migdak/tattaba	Burqili madqá
<b>6. Galel wayti (cate wayti)</b> (Inkigid akke waa marih umaané) 6.1. Qunxa biyak tekkek 6.2. Fanaafanah tanim tekkek 6.3. Giffitam tekkek (roocinnah tanim)	 10 baklo 30 “ 100 “
<b>7.Mangaafah tan baatilitte</b> 7.1. Alti-umaane(uma xaagih tabsiyya) 7.1.1. Rooci edde yewqek 7.2. Mirá (tu edde aame wayta way) 7.3. Hawi 7.4. Itta-ceelee way (kaxxa num kee awka, nagay yan num kee biyaakita num) 7.5. Aysacowwa 7.5.1. Rooci edde yewqek 7.5.2. Rado edde tekkek 7.5.3. Nabam dagom tekkek	 100 baklo 10 “ 10 “ 10 “ 270 baklo 250 “ 10 “



## A s c o s s a

Faxe madqá akah muddumtam, woo tet kah mudan caagiida, le gexsayat gexsittâ gide .Tohuk iroh tewqek, digaala lem tamixxige gide.

Woo digaalay, abâ yeenim abe weenik, hinnay kaadu, maabinâ yeenimit aseelik sinam tabbixe; yoysomme numut dibuk ma taadiyay, geeri marah tascassem le.

Faxe waqdi num, geeri numut tekkeemik baritaah, kaskassoowa. Digaalá, baatil baahe numuk maalul baahi, xagaral baahi takkê may, digga leemih kaadu, geeri maray yableh, qasir takkem raq mali.

Toysá, madqâ digaalá edde tekke numuh, ma-qagtiná kas taceeh, raaqa maray yableh; wohuk xaggursimiyyi qakli takke.

Takkel, ta ma-qagintak/xaggursumiyyih qakli kak geytimam, madqá, mannah tan digaala sinaamat abta waqdiiy?

Awayî dabaanal, Afrikah qarangubal Farangik nagarre tû-mabulul, tonnah yan kas kak geytimam casbî buxat diggalsimaanama yaanam iyyan. Casbi buxah digaalat, woo nummak tu tanih immay, teetit dibuk ma taadiya

Inkih kah naaxigê nah, Farangi mamaatak (mamutuk) duma, Afrikah qarangubal ma-qagtinâ digaalah luk sugne madqooqi , xefelih casbi luk ma suginna. Qafar madqooqi too madqooqik tiyak teyná.

Qafar madqooqi, batileyna, abbixekal casbit heekal digaalak sugteeh, uxi kinni way doolát madqooqi gufe wayte rasittee kee daqoorul digaaltaah. Too madqâ digaalá casbik ayse waytek, gace wayta ma-qagtiná, luk sugte.

Qafár madqooqih ma-qagtiná too gid yakke maqar akah teellem, digaalá numut yeddereemil abak sugtek sarra. Sahdaytu, roocí digaalâ kalihimik edde taqabeeh, yeddereemih kaa xagaanamak laftam matana. Too digaalah ma-qagtiná casbi ma-qagtinak maqarah ayse waytek gacak ma suginna akah iyyaanam tohih sabbata.

Boolittel loowimta liggiditte Qafar ummatta baatileynit isi madqooqit digaalak sugte. Doolát abbootanah faxe mari tet amol gacâ may, madqâ xintoh isi madqooqih xiinak sugte.

Tilyaan kee Faransaawiy tet amol gacte, xiinissô caagiida faxeemi kal, madqooqihimit teetik culak ma suginna. Iyoppiyah loowo teelle rasittel tonnah, madqooqî xintot teetik culte doolat matana. Duma warraytem madqâ xintohim tonal sugte.

Awayî dabaanay, Qafar ummatta xiinissô migdah sidiica baaxot geytima kaadu kaxxa sissinaane ma tana. Anek/wee takkem, Qafarak magaalol taloole dagaahim, madab caxay doolát madqooqil taamittal tambulleemi . Woh kinni way, nabam dagoomu

Toysá:-

**Fiiрук**, Qafár madqooqi saqa muggaaqisak abta digaalá, baatileynak ma-qagtiná kee, geeri marak wohuk xaggursumiyyi maqarah gace wayteeh;

**Nammeyhaak**, dagoo magaalolul, dago marak kalihim Qafar ummattak (nabam mango gaba) uxi kinni way baatilik siita akah xagurtam a madqooqih digaalah meysi tekkeeh;

**Sidochaak**, cakki geytoh sissikah doolat madqooqik tayseh iyyaanam, tet tekkeeh;

**Fereeyhaak**, madqâ digaalaa raabitak kak yakkuqeenim tet tekkek

Qafar madqooqii kee tet abnissa kasle, doolat garil amaxxag tikkiteh, ayyunti addal baatileyni digaalaa elle abak sugen innah kah aban innah ilsiisaanaah, agiirisaanaah aytikumusaanam faxximta. Toh yaanam, madqâ abnissa kaslé, mabloomak abteh aninnaanimih gabbaaqu, elle aninnaah daqaarak Qadli k/buxah kulli alsal xayyossam le. Daqâr doolat le kabuk kaadu, uson yeymeeqen cakki gexsitih taamoomil inkih, meklan alsiiita tanim faxxiimele. Too kasley gar-kurah muggaqsimtak ixxi daggoowam faxxiimele Kulli daqaaral tû yaanam elle taninnak amakkaqak.

Toh inkih takkuh, Qafar madqooqik away yekkeh yan kusaq rakiibo abak siffoysak siffoysaanam faxxiimele. Woo siffoysak gexiyyi aysuk elle yaysu waam, kulli rasu radda mabloomat matarak, a kusaqak makot tanim tenek massoysak, qusbaamay edde gacteh suge wayte tenek, edde osisak kaa gaddaloysaanama .

Ta ascossay abna, amok-radah edde yabnam hinnay, ugutul elle Qafar madqooqih gaaboysoh cogaysiok sim ,dochaytô madmak amakkaguk edde namaateemi.

Qafar madqooqih gaaboysik sidochaytô madmay a kutbek culmeynal elle tescessimeh tani intam:

«Qafar madqooqi doolat madqooqî luk elle elle tangalleh, baxsimtam ayxaxxaaruk, ken kee ken taamissa kaslé, doolat garil amaxxaage kah geytannah abaanama»

Tanay takkay ikkal, Qafar madqooqi wagsiisak galab kak xagekal tatre waan namma umaane tan.

Tohim:-

- 1) Saynumih roocih gidiy, labnumihimik garaba yaanamah
- 2) Cané axcuk koo lafootuh, baatil baahe wee num qidaanama

Ta nammaamak naharsitto madqá ascassuk abaanama. Nammeyhaytó madqal anekal edde asaanama. A nammam fiiruk cakki akke waytaah, geerak edde nan waktî lih gexxam akke waytaamih sabbatah, Qafár madqooqii kee qaadak irot haanam faxximtam kinnim nascasse.

## **Qafár Madqooqi Wagsiisak Esseroora**

### **1. Gooli**

- 1.1. A madqá ragid anket leeh?
- 1.2. A migaq kah teellem macaay?
- 1.3. Tet mudeenim ma waqdi?
- 1.4. A madqá mudaanamat sinam bahtem macaay?
  - 1.5. Elle tet mudeenim anni daqaara?
  - 1.6. Abtem ma gaba?
  - 1.7. Elle taamittam anni baaxo?
  - 1.8. A madqá ellegaceena lee?
  - 1.9. A madqá kutbeh maay tan?
  - 1.10. Baatil digaalah madqak iroh, Qafar geeri madqá maay le?

### **2. Addatinó**

- 2.1. A madqá maabina dibuk wagittannaa?  
aba yeenim abe waanam edde wagittaah?

- 2.2. Umaané bahte gaba taade innaa? Inkih tan kedo kah esserimtaah?
- 2.3. Baatil makina gaynatah kurruuma?
- 2.4. Baatil weeloo kee ceelo mannal muggaqsimta?
- 2.5. Digaala makina qaynatah tan?
- 2.6. A madqak digaala gexsay maca ceela?
- 2.7. A madqa abinissam ma caylaay?
- 2.8. A madqak digaala macal tamcussule?
- 2.9. A madqá umaanê niyat kee gabbatak, maca intaah?
- 2.10. A madqal abeenaa kee cateena inkí digaala lennaa? namma digaala leeh?
- 2.11. Mango mari sittâ luk baahe umaane, a madqal mannal tambullee?
- 2.12. A madqal ummaaneh uguugus ma digaala leeh?
- 2.13. A madqá umaane baahan way, digaale wayta mara maay leeh?
- 2.14. A madqal num isi nafsik aba kalaluh, kay gabat toomem, digaala lee?
- 2.15. A madqa "yirga" lee?
- 2.16. Amaanat baysi a madqal ma intit yambullee?
- 2.17. Duquurusenta, yalliiginti, dirab xaaguk a madqá maca intaah?
- 2.18. Xaafuu kee qaybisiyyak a madqá maca intaah?
- 2.19. A madqal mablo takke waqdi, woo caxah leek/maaqa iyyaal haana?
- 2.20. A madqá makina maasayyak xissimta?

## **Qafár Madqooqil Abne Esserooral Yuduure Gacsa**

### **Burqilí Madqá**

#### **1. Gooli**

- 1.1 A madqá ragid Qiddi Magaalak Madqah Alaytol yekke koboxut le.
- 1.2 A migaq kah teellem woo kobox miraacisak yen num Burqili deqsitak yeneemih sabbata
- 1.3 A madqá mudeenim 350 liggidak дума
- 1.4 Tet elle mudeenim Qiddik Madqah Alayto
- 1.5 Tet muddem affara kedo. Toh: 1. Dammohoytá 2. Seeká 3. Hadarmo 4. Daahimmeelá
- 1.6 A madqá mudaanammat sinam bahtem baatil mangay digaala gee waytek xiine sinnih iyya
- 1.7 A madqá elle taamittam Qafár Rakaakayak Kilbatti Rasuu kee Eretriyat raqta Qafarih adda
- 1.8 A madqak elle gaceeni Bixu - Dammohoytak/Maqanxiita
- 1.9 Yeey, tanih
- 1.10 Mali

### **2. Addatino**

- 2.1 Nammam inkih wagitta
- 2.2 Kedo inkih kah esserimta
- 2.3 Baatil sagla aracah kurruuma. Gabâ konooyu. Ibi tiya. Sammô nammaya. Arrabâ tiya.
- 2.4 Gorcii kee Garci
- 2.5 Namma qaynatah tan. Canee kee Meklâ
- 2.6 A madqak digaalâ gexsay geeri madqooqi h gexsay akak xissiima 10 maaqattak xissiima
- 2.7 A madqâ abnissam kedo kedok abta meysi
- 2.8 A madqak digaalâ baklol tamcussule
- 2.9 Baatili inta
- 2.10 Namma digaalâ le
- 2.11 Inkih diggalsiman. Numuuy b aaheh aninnaanah gidel
- 2.12 Abtok, garab digaalâ le
- 2.13 Cabu le maraa kee urru baaheenim ma digaalannâ may, le kedok waanam tanih
- 2.14 Baatil kaa morbâ may, kay gabat toomeemih esserimah
- 2.15 Mali
- 2.16 Kaxxa baatilih orobta
- 2.17 Sidoc inkih digaalâ le
- 2.18 Baatilih inta
- 2.19 Leek/maaqa wayto le marak beyan. Waak sugeenim keenih soltekiiy, woo marak keenih gacsan
- 2.20 Giffi kak tam 140<sup>uuy</sup>, addâ fakootul 244 maasayyak xissimta

## Qafâr Madqooqil Abne Esserooral Yuduure Gacsa

### Debnek / Weeqimih Madqâ

#### 1 Gooli

- 1.1. A madqâ ragid Jabuutih Ummuunok Qadaylul yekke koboxut le .
- 1.2. A migaq kah teellem Debnek / Weeqimih 15 kedo teetih xintek sarra
- 1.3. A madqâ edde muden wakti hununuh ma yamixxiga
- 1.4. Tet elle mudeenim Tagorri deraafik Qadaylu
- 1.5. Tet muddem Qablé deqsitta kedo
- 1.6. A madqâ mudaanamatah sinam bahtem baatil mangay digaalâ gee waytek xiine sinnih iyya
- 1.7. A madqâ elle taamittam Qafâr Rakaakayak Gabbi Rasuu kee Jabuutih Ummuuno
- 1.8. A madqak elle gaceeni – Qablek/Ayrolasso
- 1.9. Maleey, ma tana
- 1.10 Mali

#### 2. Addatino



- 2.1. Nammam inkih wagitta
- 2.2. Kedo inkih kah esserimta
- 2.3. Baatil sagla aracah kurruuma. Gabâ konooyu. Ibi tiya. Sammô nammaya.  
Arrabâ tiya.
- 2.4. Gorcii kee Garci
- 2.5. Namma qaynatah tan. Canee kee Meklâ
- 2.6. A madqak digaalâ gexsay geeri madqooqi h gexsay akak xissiima 10  
maaqattak xissiima
- 2.7. A madqá abnissam kedo kedok abta meysi
- 2.8. A madqak digaalâ sagál tamcussule
- 2.9. Baatili inta
- 2.10. Namma digaalâ le
- 2.11. Inkih diggalsiman. Numuuy b aaheh aninnaanah gidel
- 2.12. Abtok, garab digaalâ le
- 2.13. Cabu le maraa kee urru baaheenim ma digaalannâ may, le kedok  
waanam tanih
- 2.14 Baatil kaa morbâ may, kay gabat toomeemih esserimah
- 2.15 Mali
- 2.16 Kaxxa baatilih orobta
- 2.17 Sidoc inkih digaalâ le
- 2.18 Baatilih inta
- 2.19 Leek/maaqo wayto le marak beyan. Waak sugeenim keenih soltekiiy,  
woo marak keenih gacsan
- 2.20 \_\_\_\_\_

## Qafár Madqooqil Abne Esserooral Yuduure Gacsa

### Afkiquek Maqaadih Madqá

1. Gooli
- 2.1 A madqá ragid Awsi daqaarak Walaqsanal yekke koboxut le.
- 1.2 A migaq kah teellem woo kobox miraacisak yen num Afkiquek/Maqaadih  
abba yekkek sarra
- 1.3 A madqá mudeenim 130-150 liggidak duma
- 1.4 Tet elle mudeenim Awsak Waláqsana
- 1.5 Tet muddeh iyyaanam Illaltak abba Aydaacís Canfaxé
- 1.6 A madqá mudaanamata sinam baatem baatil mangay digaalâ gee  
waytek xiine sinnih iyya
- 1.7 A madqá elle taamittam Qafár Rakaakayak Awsi Rasu
- 1.8 A madqá elle gaceeni Aydaacissô Qarkayto

1.9 Maleey, ma tana

1.10 Mali

## **2. Addatino**

2.1 Nammam inkih wagitta

2.2 Kedo inkih kah esserimta

2.3 Baatil sagla aracah kurruuma. Gabâ konooyu. Ibi tiya. Sammô  
nammaya. Arrabâ tiya.

2.4 Loowit kee atcata

2.5 Namma qaynatah tan. Canee kee Meklá

2.6 A madqak digaalâ gexsay geeri madqooqih gexsay akak xissiima 10  
maaqaattak xissiima

2.7 A madqá abnissam kedo kedok abta meysi

2.8 A madqak digaala sagál tamcussule

2.9 Baatili inta

2.10 Namma digaala le

2.11 Inkih diggalsiman. Numuuy baaheh aninnaanah gidel

2.12 Abtok, garab digaala le

2.13 Cabu le maraa kee urru baaheenim ma digaalannâ may, le kedok  
waanam tanih

2.14 Baatil kaa morbâ may, kay gabat toomeemih esserimah

2.15 Mali

2.16 Kaxxa baatilih orobta

2.17 Sidoc inkih digaala le

2.18 Baatili inta

2.19 Leek/maaqa wayto le marak beyan. Waak sugeenim keenih soltekiiy,  
woo marak keenih gacsan

2.20 \_\_\_\_\_

## **Qafár Madqooqil Abne Esserooral Yuduure Gacsa**

### **Bodoytâ Meelah Madqá**

#### **1. Gooli**

1.1 A madqá ragid Qad-Daqaarak Tewqol yekke koboxut le

1.2 A migaq kah teellem woo kobox miraacisak yen num  
Bodoytâ meelah yoobokek sarra deqsitak yeneemih sabbata

1.3 A madqá mudeenim 150 liggidak duma

1.4 Tet elle mudeenim Qad-Daqaarak Tewqo deqsita araca

1.5 Tet muddem Qalii Dawwaani Macammada

1.6 A madqá mudaanammat sinam bahtem baatil mangay digaala gee  
waytek xiine sinnih iyya

1.7 A madqá elle taamittam Qafár Rakaakayak Carri Rasu

1.8 A madqak elle gaceeni Qalii Camaddo

1.9 Maleey, Ma tana

1.10 Mali

## 2. Addatino

2.1 Nammam inkih wagitta

2.2 Kedo inkih kah esserimta

2.3 Baatil sagla aracah kurruuma. Gabâ konooyu. Ibi tiya. Sammô nammaya.  
Arrabâ tiya.

2.4 Gorcii kee Garci

2.5 Namma qaynatah tan. Cane kee Meklâ

2.6 A madqak digaalâ gexsay geeri madqooqi h gexsay akak xissiima  
10 maaqattak xissiima

2.7 A madqá abnissam kedo kedok abta meysi

2.8 A madqak digaalâ sagál tamcussule

2.9 Baatili inta

2.10 Namma digaalâ le

2.11 Inkih diggalsiman. Numuuy b aaheh aninnaanah gidel

2.12 Abtok, garab digaalâ le

2.13 Cabu le maraa kee urru baaheenim ma digaalannâ may, le kedok  
waanam tanih

2.14 Baatil kaa morbâ may, kay gabat toomeemih esserimah

2.15 Mali

2.16 Kaxxa baatilih orobta

2.17 Sidoc inkih digaalâ le

2.18 Baatilih inta

2.19 Leek/maaqa wayto le marak beyan. Waak sugeenim keenih soltekiy,  
woo marak keenih gacsan

2.20 \_\_\_\_\_

## Qafár Madqooqil Abne Esserooral Yuduure Gacsa

### Buxxutô Baxih Madqá

#### 1.Gooli

3.1 A madqá ragid Mogorros kee Daabuk fanal geytimta Rakúb Caxa  
deqsita aracal yekke koboxut le

1.2 A migaq kah teellem woo kobox miraacisak yen num Buxxutô Casan  
deqsitak yeneemih sabbata

1.3 A madqá mudeenim 150 - 175 liggidak duma

1.4 Tet elle mudeenim Rakúb Caxá

1.5 Tet muddem Buxxutô baxa Casana

1.6 A madqá mudaanamatah sinam baatem baatil mangay digaalâ gee

waytek xiine sinnih iyya

1.7 A madqá elle taamittam Qafár Rakaakayak Awsaa kee Fanti Rasu

1.8 A madqak elle gaceeni Qunxa Baxi Qalih Qabdu

1.9 Maleey ma tana

1.10 Mali

## 2. Addatino

2.1 Nammam inkih wagitta

2.2 Kedo inkih kah esserimta

2.3 Baatil saglá aracah kurruuma. Gabâ konooyu. Ibi tiya. Sammô nammaya.  
Arrabâ tiya.

2.4 Loowit kee Atcata

2.5 Namma qaynatah tan. Canee kee Meklá

2.6 A madqak digaalâ gexsay geeri madqooqih gexsay akak xissiiima 10  
maaqaattak xissiiima

2.7 A madqá abnissam kedo kedok abta meysi

2.8 A madqak digaalâ sagál tamcussule

2.9 Baatili inta

2.10 Namma digaalâ le

2.11 Inkih diggalsiman. Numuuy b aaheh aninnaanah gidel

2.12 Abtok, garab digaalâ le

2.13 Cabu le maraa kee urru baaheenim ma digaalannâ may, le kedok  
waanam tanih

2.14 Baatil kaa morbâ may, kay gabat toomeemih esserimah

2.15 Mali

2.16 Kaxxa baatilih orobta

2.17 Sidoc inkih digaalâ le

2.18 Baatili inta

2.19 Leek/maaqa wayto le marak beyan. Waak sugeenim keenih soltekiiy,  
woo marak keenih gacsan

2.20 \_\_\_\_\_

